

Alkitab Sagan Kakanakan

Mengenal akan



Raja bungas
nang
bungul



Panulis: Edward Hughes

Nang manggambar: Janie Forest
Alastair Paterson

Nang manyusun: Lyn Doerksen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Samuel, hakim lawan pamimpin Israel sudah tuha. Inya manjadiakan anak-anaknya jadi hakim atas Israel, hagan manggantiakan wadahnya di dalam malayani Tuhan. Tapi anak-anak Samuel jahat. Buhannya mancintai duit lawan menggunakan kakuasaanya hagan mandapatakan duit lawan kada jujur.




Urang-urang Israel mandarita ulih kajahatan anak-anak Samuel. Pangadilan buhannya kada jujur. Urang-urang harus mambayar ka anak-anak Samuel tiap kali buhannya mambutuhakan partolongan.



Sasuwatu harus tajadi. Pas hari ngintu, tuha-tuha Israel bakumpul basama lawan maminta Samuel hagan manulung.




"Bariakan ka kami saurang raja hagan mamarintah kami," tuha-tuha ngintu maminta. Buhannya kada handak anak-anak Samuel nang jahat mamarintah buhannya. Buhannya manhandaki saurang raja kaya bangsa-bangsa lain disakitar buhannya.



Samuel sarik. Israel sudah baisi Raja. Allah nang Maha Tinggi, nang Kakal, paguasa Israel. Batahun-tahun nang lalu, Inya mambibasakan buhannya matan parbudakan di Mesir, mambalah Laut Habang matan hagan mambibasakan buhannya.






Imbah Inya
mambariakan ka
Israel tanah nang
bagus.




Saat Samuel badua, TUHAN manjawab, "Lain ikam nang buhannya tulak tapi Akulah nang buhannya tulak, supaya jangan Aku manjadi raja Dangarlah parmintaan buhannya lawan angkatlah saurang raja hagan buhannya."





Tuhan maucapakan
ka Samuel hagan
mamparingatakan
urang-urang amun
raja dunia
buhannya
pacangan maambil
duit hagan
pambayaran pajak;
manulung dirinya
saurang hagan
mambajak
pahumaannya; ...





... mamarintahakan
anak lakian
buhannya dalam
pasukannya; lawan
mamarintahakan
anak binian
buhannya hagan
bagawi hagannya.



ROYAL VINEYARD

Tapi urang-urang
ngintu tatap
handak saurang
raja.



Tuhan mamimpin Samuel ka saurang anum nang bungas banar, panyupan lawan TINGGI banar - sabahu labih tinggi matan urang-urang lainnya. Ngarannya Saul. Pas Samuel malihat Saul, Tuhan baucap, "Urang ngini pacangan mamingkuti tampuk pamarintahan atas umatKu."







Lawan taat, Samuel
maurapi Saul jadi
Raja hagan Israel.
Pas inya dikanalakan
Saul ka urang-urang
Israel, buhannya
basurak "Hidup Raja!"



Lakas Raja Saul dicubai. Urang-urang Amon, nang mambanci Israel, mangapung kuta Israel lawan mangancam pacangan manyungkil mata kanan satiap urang Israel. Sabuting rancana nang jahat banar!



Barita ngintu sampai ka Raja Saul. Inya mamparsiapkan pasukannya.





Pas kadua pasukan ngintu batamu, Saul mangalahakan urang-urang Amon lawan manyalamatakan kuta ngintu. Raja Saul mambariakan pujian ka Tuhan lawan baucap "...hari ngini Tuhan sudah mawujudakan kasalamatan atas Israel."



Tuhan mambariakan ka Saul kamangan ganal pada hari ngintu. Tapi Saul kada salalu manghurmati Tuhan. Pas hari ngintu, sabalum baparang malawan urang Filistin, Saul mambariakan parsambahan ka Tuhan.



Inya tahu amun ngintu adalah gawian Samuel. Inya tahu amun inya harus manunggu sampai Samuel datang hagan malakukannya. Tapi Saul kada manaati Tuhan!





Pas Samuel datang, inya baucap ka Saul,
"Parbuatanmu ngintu bungul. Ikam kada
mangikuti parintah Tuhan Allahmu. Wahini
Karajaanmu kada pacangan tatap."



Luku Saul bapikir ngintu hanyalah sabuting dusa halus. Tapi kada taat ka Tuhan ngintu dusa nang sarius.



Imbah ngintu
Tuhan mamarintahakan
hagan manghancurakan
urang-urang Amalek nang
jahat. Tapi Saul lawan
urang-urangnyanya



mambiarakan
Raja Agag matan
Amalek tatap
hidup. Buhannya
jua manyimpan
barang-barang
nang barharga,
dumba lawan
lambru. Saul
baucap amun
inya manyimpan
samunyaan
ngintu hagan
diparsambahakan
ka Tuhan.



Samuel baucap ka Saul, "Sasungguhnya mandangarakan labih baik dari pada kurban

sambalihan. Ikam sudah manulak Firman Tuhan, maka Inya manulak ikam sabagai raja." Saul manyasal banar atas dusanya. Tapi sudah talambat. Akhir matan hidupnya kada bahagia ulih inya kada manaati Tuhan.



Raja bungas nang bungul

Sabuting kisah matan Firman Tuhan, Alkitab

Taulih dalam

1 Samuel 8-16

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

